

शुक्रवार

- 1 छोटी-छोटी बात नै दिल में रखबे ते बड़े-बड़े रिस्ते कमजोर है जायें।
- 2 अंधेरे ते मत डरो सितारे अंधेरे में ही चमकै।
- 3 जाके ढिंग धीरज, सबर है, बू जो चाहे वो पा सकै।
- 4 बड़ौ आदमी बू है जो अपने ढिंग बैठे माईस रे छोटी महसूस हैबे ना दैबै।



अपनी बिरज, अपनी भासा बिरज भासा पतरिका

अक्टूबर ते दिसम्बर-2019


nirmaan
empowering communities

तईयार करबे बारे:-

जगदीश चन्द नैहचैनिया और सतवीर चौधरी

मदत करबे बारे:-

मुकेश कुमार योगी, रतन लाल योगी और कविता योगी



पहेली

1. छोटी सौ कारो घर, पर चले इधर उधर।
उत्तर- छाता।
2. दाने- दाने गिनती जाती, दादी अम्मा रोज फिराती।
उत्तर- माला।

राजस्थान सोलर पम्प कृषि कनेक्शन योजना।

राजस्थान सरकार नै किसानन काजें सोलर पम्प की योजना चलाई है। ताकि किसान खेती में आगे बढ़ सकें। या योजना को लाभ लैबे काजें किसानननै औनलाइन रजिस्ट्रेशन करवानौ है। या योजना को मुख्य उद्देश्य किसानन कू उचित बिजली मुहैया करवानौ है। या योजना को सबते जादा फादा ई है कि किसानननै बिजली कौ बिल ना दैनौ परैगौ।

राजस्थान सोलर पम्प कृषि कनेक्शन आवेदन कैसे करें

- 1 सोलर पम्प कृषि कनेक्शन योजना में पंजीकरण काजें विकल्प पत्र आवेदन कर सकेंगे।
- 2 आप औनलाइन बेबसाइट के द्वारा भी आवेदन भर सकेंगे।
- 3 योजना में पंजीकरण काजें सामान्य कृषि कनेक्शन आवेदक विद्युत विद्ध्युत निगम ते सम्बन्धित सहायक अभियन्ता दफतर में रूपईया 1000 जमा कराकें आवेदन कर सकें।
- 4 योजना में आवेदन करबे के बाद कृषि कनेक्शन आवेदक की सौर उर्जा पम्प सेट लगबे तक मूल प्राथमिकता निगम कार्यालय में ज्यों की त्यों रहेगी।
- 5 योजना में सरकार द्वारा 60 पिरतीसत रासि दई जावेगी और 40 पिरतीसत रासि आवेदक को दैनी होगी।
- 6 सौर ऊर्जा पम्प सैटन कौ रख-रखाव 7 बरस तक मुफ्त बीमा बनाबे बारी कम्पनी के द्वारा कियौ जाबैगौ, जिसके लिये कम्पनी द्वारा कौल सैन्टर की व्यवस्था की जाबैगी।
- 7 जिस पर उपभोक्ता अपनी सिकायत दर्ज कराकें बाकौ तुरन्त समाधान करा सकेंगे।
- 8 सौर उर्जा पम्प सेटों का 7 बरस तक मुफ्त (निःशुल्क) बीमा बनाबे बारी (आपूर्तिकर्ता/निर्माता) कम्पनी के जरिये कियौ जाबैगौ।

चुटकला

1. एक बईयर अपने छोरा ते बोली अपने मामा में चपत लगाते हुये तोय सरम ना आई। मम्मी नै अपने छोरा में डाट दई। छोरा बोलौ मम्मी मैंने तौ चपत ही लगाई है। भगवान किरस्नै तौ अपनौ मामा जान तेई मार डारौ।
2. एक भिखारी नै दरबज्जे पै आकें अवाज लगाई-दाता के नाम पै रोटी दैदो। भीतर ते अवाज आई-मम्मी घर पै नाय। यापै बिखारी बोलौ-मैं रोटी मांग रंऊ, तुम्हारी मम्मी नाय।

कहानी

अपनौ- अपनौ भाग्य

एक किसान हौ। बाके ढिंग एक बकरा और दो बैले ऐ। बैलननै ऊ जोतबे के काम में लैबैऔ। दोनू बैल खूब करी मैहनत करके खेतन की जुताई करते। बकरा काजें कोई काम नाऔ। बू इत-बितकूं दिनभर हरी-भरी घास चरतौ रहतौ। खा पीके मोटौ तगडौ हैगौ। या देखके बैल अपने मन में सोचैये कि या बकरे के मजे हैं। कछू करै ना दरै सारे दिना मजे लैबै। इधर कूं बकरा बैलन की सोचैऔ कै ये बेचारे सारे दिन हर में जुते रहमै। और मालिक है काय इनकी ओर पूरी तरै ध्यान ना दैबैऔ। जाते उनकौ कछू भलौ हैबै। एक दिना दोनू बैल खेत जोतबे में काफी मैहनत करनी पर रई। वे दोनू हांप रे। यह देखके बकरा मूरखपने सुर में बोलौ- भाईयो, तुम दोनूननै करी मैहनत करते देखके मोय भौत दुख हैबै। पर करौ काह जाबै ई तौ भागन कौ खेल है। मोय देखौ मेरे ढिंग दिन भर चरबे के



अलाबा कोई काम नाय। किसान की बईयर खुद खेतन में जाबै और मेरे काजें हरी पत्ती और घास लैके आबै। तुम दोनू तौ मोते जलन करते हुंगे। दोनू बैल चुपचाप बकरा की बात सुनते रहे। जब वे साम कूं खेतन पै ते काम करके घर कूं लौट आये तौ उननै देखौ कि किसान की बईयर कोई कमाई ते धन लैके बाय बू बेच रईये। दोनू बैलन की आंखन में आंसू भर आये। बेचारे वे कर भी काह सकें। उनमें ते एक धीमे स्वर में बोलौ- आह तेरे भाग में यही लिखौ।

दोहा-

1. राजपाट धन पायके, क्यों करता अभिमान।

पडोसी की जो दशा, सो अपनी जान ॥

अर्थ :- राज पाट सुख सम्पत्ती पाकर तू क्यों अभिमान करता है। मोहरूपी यह अभिमान झूठा और दारुण दुःख देने वाला है। तेरे पडोसी जो दशा हुई वही तेरी भी दशा होगी अर्थात् मृत्यु अटल सत्य है। एक दिन तुम्हें भी मरना है फिर अभिमान कैसा।

2 . पढ़ पढ़ के पत्थर भये, लिख भये जुईट।

कबीर अन्तर पिरेम का तागी नेक न छींटा॥

अर्थ :- कबीर जी ज्ञान का सन्देश देते हुए कहते हैं कि बहुत अधिक पढ़कर लोक पत्थर के समान और लिख लिखकर ईंट के समान अति कठोर हो जाते हैं। उनके हृदय में प्रेम की छींट भी नहीं लगी अर्थात् 'प्रेम' शब्द का अभिप्राय ही न जान सके जिस कारण वे सच्चे मनुष्य न बन सके।

भजन

टेक- कान्हा मोय पियर ते लै आयौ मीठौ बोल-बोल कै

1. कान्हा मोय ऐसौ टीकौ लईयौ तखरी में तोल-तोल कै
राधा सौनौ हैगौ तेज सुन लेऔ कान खोल कै

कान्हा मरुंगी जैहर विस खाय कटोरी में घोर-घोर कै
कान्हा मोय पियर ते लै आयौ मीठौ बोल-बोल कै

2. कान्हा मोय ऐसौ कुन्डल लईयौ तखरी में तोल-तोल कै
राधा सौनौ हैगौ तेज सुन लेऔ कान खोल कै

कान्हा मरुंगी जैहर विस खाय कटोरी में घोर-घोर कै
कान्हा मोय पियर ते लै आयौ मीठौ बोल-बोल कै लइयौ

3. कान्हा मोय ऐसी नथली लईयौ तखरी में तोल-तोल कै
राधा सौनौ हैगौ तेज सुन लेऔ कान खोल कै

कान्हा मरुंगी जैहर विस खाय कटोरी में घोर-घोर कै
कान्हा मोय पियर ते लै आयौ मीठौ बोल-बोल कै

4. कान्हा मोय ऐसी अंगूठी लईयौ तखरी में तोल-तोल कै
राधा सौनौ हैगौ तेज सुन लेऔ कान खोल कै

कान्हा मरुंगी जैहर विस खाय कटोरी में घोर-घोर कै
कान्हा मोय पियर ते लै आयौ मीठौ बोल-बोल कै।

सम्पर्क

निर्माण सोसायटी

सहारई रोड, ब्लू बर्ड स्कूल के पास,

डीग, भरतपुर, राजस्थान- 321203

Ph.-05641- 224424, 9587593455

Email-rajasthanlanguages@nirmaan.org.in

Web.-www.nirmaan.org.in

कहावत

1. राजा करै तौ लीला, छोटे करै तौ चोरी।

अर्थ- जब राजा चोरी करैऔ तो उसकी कोई कुछ भी नहीं कहता था। क्योंकि वाकि चलती थी और जब छोटे कोई काम करै तौ चोरी कहलाती है।

2. मूरख समझायौ समझौ नहीं पढगौ च्यारों वेद, जब सुद आई कुटम की रयौ ढेड की ढेड।

अर्थ- जब मूर्ख समझाया तो समझा नहीं जब याद आई कुटम्ब की जब पढ रहा था वेद।

मुहावरा

1. चुनौ लगा दियौ।
अर्थ- थोखा देकर उगना।
2. चमका दियौ।
अर्थ- शोभा बढाना।